

昨
非
庵
日
纂

昨非菴日纂三集坦游卷之六

閏中昨非居士鄭瑄漢奉甫輯

司馬溫公家居時。春夏多在洛。秋冬在縣。每日
與從學者講書。用竹筒貯簽。上書學生姓名。
講後一日。卽抽簽令講。講不通。亦微數責之。
公每五日。作一煖講。一杯一飯一麵。肉菜各
一而已。公先壠在鳴條山墳。所有餘慶寺。公
一日省墳。至寺中。有父老五六輩。上謁云。欲

獻薄禮。乃瓦盆盛粟米飯。瓦罐盛菜羹也。公
享之。如太牢。既畢。復前啓曰。某等聞端明在
縣。日爲諸生講書。村人不及往聽。今幸畧說。
公卽取紙筆書孝經。庶人章講之。既已。復前
白曰。自天子章以下。各有毛詩四句。此獨無
有何也。公默然。少頃謝曰。某生平慮不及此。
當思其所以奉答。村父笑而去。每見人曰。我
講書會難倒。司馬端明公聞之。畧不介意。

金陵史忠人呼爲史癡女笄當嫁壻貧不能具
禮史詭攜觀燈同妻送至壻家取笑而別
夏原吉治水江南至崑山寓千墩寺中公所居
不陳儀從坐一室觀書如嘗人有鄉民數人
來寺遊觀雜坐其旁旣而問僧尚書何在僧
曰觀書者是也民惶懼奔走公殊不爲意
蔡若謨美鬚髯一日屬清閒之燕上顧問曰
卿髯甚美長夜覆之於衾下乎將寘之於外

乎君謨無以對歸舍暮就寢思聖語以靜寘
之。內。外。悉。不。安。一。夕。不。能。寢。蓋。無。心。與。有。心。
異也。

凡人燕會交接之間。人品不齊。或行檢有玷。或
相貌不全。或今雖尊顯。而出身本微。或先世
昌隆。而後裔流落。以類推之。忌諱甚多。須用
心檢點一番。切勿犯人所忌。令人愧憤。亦君
子長者之厚道也。

俞允文家貧不治生產其配絝繹洸助之猶不
給也允文獨夷然曰不能三食乎則姑二食
乃至不二食乎則又曰姑一食

處世要牛馬恁呼處心却鳥魚自適不能鳥魚
自適必不能牛馬恁呼此却與衆浮沉者迥
別

余幾番見某事以爲必如此然矣而卒不然幾
番料某事以爲必出若人矣而卒非其人乃

知事不可私計。人不可過疑。

飽諸世故。一任覆雨翻雲。總慵開眼。會盡人情。隨教叫牛喚馬。只是點頭。

大著眼睛看。縮著嘴頭說。硬著脊梁擔。放著肚皮納。立著脚跟做。

冤家恩愛心。嘗作平等之觀。上帝悲田眼。不見可憎之物。性鮮貪嗔。六時畏作惡業。趣能領畧。四季都是良辰。昔人不云乎。此老終當以。

樂死

商君載甲操戟。李嵩一夕九徙。每出劒戟自隨。
李林甫重關複壁。仍一夕十徙。出入金吾清
道。其視韓魏公之揭帷示刺客。郭令公赴魚
朝恩宴。止家僮數十人。度量廣狹。何如哉。
王鞏字定國。坐蘓軾黨。貶賓州。軾臨北歸。別鞏
出侍兒柔奴進酒。軾問柔奴嶺南應是不好。
柔奴曰。此心安處。便是吾鄉。軾因作定風波。

一詞以贈

程伊川父。駒尉廬。隣。屏中多。惟一日。家人忽告。郡君有鬼。執扇者。郡君曰。天。焚。故。爾。又一日。報曰。鬼。鳴。鼓。郡君曰。予之。桴。自是。家人不敢。復言。惟亦絕。

歷代。縉紳之禍。多。肇於。言語。文字之。激。是。故。誹。謗。激。坑。焚。之。禍。清。談。激。黨。錮。之。禍。臺。諫。激。新。法。之。禍。清。流。激。白。馬。之。禍。禍。生。於。激。何。代。不。

然其始也一人倡之群起而和之不求是非
之歸乃謹焉狂焉牢不可破其卒也不可收
拾則所傷多矣

邵康節會有四不赴謂官府公會不相識會大
衆廣會勸酒醉會又有四不出謂大寒大暑
大風大雨有五樂謂樂生中國樂爲男子樂
爲士人樂見太平樂聞道義有五喜謂喜見
善人喜見好事喜見美物喜見嘉景喜見大

禮有四幸。謂幸長年爲壽域。幸豐年爲樂國。
幸清閒爲福德。幸安康爲福力。有三惑。謂年
老不歇爲一惑。安而不樂爲二惑。閒而不清
爲三惑。

寇平仲丁謂同列。嘗會食中書。平仲羹汙鬚。謂
徐起拂之。平仲笑之曰。叅政國之大臣。爲長
官拂鬚耶。謂大慚恨。遂成嫌隙。愚謂此過在
平仲也。拂鬚之事。雖媚寔敬。儉人如謂知敬。

事公寔難從而斥之。設多行無禮將若之何。異日到海之行。怨恨於此。豈獨孤注者爲哉。有味哉。不惡而嚴也。

山濤晚與尚書和適交。又與鍾會裴秀等并申款昵。以二人居勢爭權。濤平心處中。各得其所。而俱無恨焉。白樂天與楊震卿爲姻家。而不累於震卿。與元禎牛僧孺相厚善。而不黨於元禎。僧孺爲裴晉公所雅重。而不因晉公。

以進爲李文饒素不樂而不爲文饒所深害處世如二公亦足矣

張洪陽曰我無是心而人疑之於我何與我無是事而人誣之於我何慙縱火燒空何處著熱風波洶湧虛舟自開

郭文河內軹人隱大滌山中嘗有猛獸張口向文文視其中有橫骨乃以手探去之明日獸置一鹿以報王導聞其名迎至朝士觀者如

堵文頽然箕踞旁若無人一日忽求去結廬
臨安窮谷間及蘓峻反破餘杭而臨安獨全
人以爲先見

魯宗道真宗時爲諭德嘗遣使召之宗道方與
鄉人飲酒肆使者曰上訝來遲何辭以對
宗道曰第以實告飲酒乃人之常情欺君臣
子之大罪使者如其言上加忠實拜叅知
政事舉朝憚之目爲魚頭叅政

天者付之天。不與我事。人者付之人。不與我事。子孫者付之子孫。不與我事。我者付之天。付之人。付之子孫。亦不與我事。方謂之息機。方謂之省事。漢方謂之了心人。

有心應物。不若無心。甘心履危。未必逢禍。縱意處安。未必全福。

蔡元定從朱熹遊。韓侂胄秉政。逐朱熹。僞學之禁。元定曰。吾其不免乎。及聞貶。怡然就道。熹

從遊者百餘人。餞別蕭寺。多歔歔泣下者。熹微視元定。不異平時。數日。友朋相愛之情。季通不挫之志。可謂兩得矣。元定貽書諸子曰。獨行不愧影。獨寢不愧衾。勿以吾得罪故。遂自懈弛也。

東坡在惠。與參寥書云。貶所便過一生也。得人懼瘴癘。病人北方。何嘗不病。是病皆死。得人何獨瘴氣若苦。無醫藥。京師國醫手裡死。漢

尤多。若坡公者。可謂善處憂患矣。

太祖既廟祀歷代帝王。自伏羲以下。皆塑像。至元世祖。其面屢污淚痕。塑工頻修飾。越宿如故。上聞之。幸廟。對之曰。癡韃子。爾以胡人入主中國。傳祚幾百。可謂幸矣。今日曆數在予。汝之子孫。曾不加害。但驅還漠北。我之待勝國。可謂恩而有禮矣。汝復何恨。宜自寬釋。毋再啼哭爲也。明日視之。淚痕遂滅。

胡邦衡謫新州李彌遜書十事以贈一日有天
命○有○君○命○不○擇○地○而○安○之○二○日○惟○君○子○困○而
不○失○其○所○亨○三○日○名○節○之○士○猶○未○及○道○更○宜
進○步○四○日○境○界○違○順○當○以○初○心○對○治○五○日○子
厚○居○柳○築○愚○溪○東○坡○居○惠○築○鶴○觀○若○終○身○焉
六○日○無○我○方○能○作○爲○大○事○七○日○天○將○任○之○必
大○有○摧○抑○八○日○建○立○功○名○非○知○道○者○不○能○九
日○太○剛○恐○易○折○頌○養○以○渾○厚○十○日○學○必○明○心

記問辨說皆餘事也。

山堂禪師曰。蛇虎非鵠鷺之讐。鵠鷺從而號之。以其有異心。故牛豕非鸚鵡之取。鸚鵡集而樂之。以其無異心。故是故疑於人者。人亦疑之。忘於物者。物亦忘之。古人與蛇虎爲伍者。善達此理也。

杜靜臺先生曰。惱怒只害得自己。何嘗害得人。其能害人者。必自惱怒生出枝節也。先生書。

齋對聯無求勝在三公上。知足嘗如萬斛餘。
道人居塵涉世。須心坎中自作一活計。事到隨
宜應之。既罷得片席。便據以爲安。大都與出
作入息爲緣。是安樂法。

黃山澗中生斑魚。如螭蜥而無足。善含水。登木
隱樹杪叢葉中。仰口吐水。汪汪然。渴鳥過而飲
之。輒籍翕曳而入水。恣其嚙嚼。小蟲設機陷
物。隱慘乃爾。可畏哉。

人生○墮地○名○位○分○數○已○定○非○他○人○能○提○挈○亦○非○
他○人○能○摧○敗○把○柄○在○我○進○退○有○命○小○人○枉○用○
算○計○君○子○無○勞○準○備○

程○明○道○終○日○端○坐○如○木○人○焉○操○行○甚○嚴○毅○及○接○
賓○客○令○人○如○在○春○風○中○未○嘗○稍○以○意○氣○加○人○
故○黨○人○之○禍○獨○不○及○焉○

溫○公○有○一○僕○二○十○年○只○稱○君○實○秀○才○蘇○子○瞻○學○
士○來○謁○因○聞○而○教○之○明○日○改○稱○大○叅○公○相○公○

驚問以實告公曰。好一僕。被東坡壞了。

韓持國知潁州。時查彥以狀元及第判州事。每稱狀元。持國怒曰。狀元無官耶。自是改呼僉判。彥終身啣之。馬涓亦以狀元及第判秦州。亦呼狀元。秦帥呂晉伯曰。狀元者及第未除也。既爲判官。則勿稱之矣。涓愧謝之。二事絕類。而一啣一謝。固自其品不同。然持國厲聲而啗之。故其人多怨。晉伯平心以道之。故其

人多悅。程子曰。凡爲人言者。理勝則事明。氣
忿則招拂。此之謂也。

蛇虎非噬人。人先藏殺意。逢人料必死。先發求
生地。若與共忘機。怨毒無報施。虺蜥變吉祥。
和氣消陰鷲。

心不負人。面無慙色。志不驕人。面無德色。氣能
自勝。面無懼色。量能容人。面無怒色。所務在
內。面無慙色。故曰。君子不失色於人。

或問妬嫉字皆從女何居曰女子陰性多妬嫉故字旁從女明其非鬚眉丈夫事也以丈夫而同女子之行豈不可恥

唐開元間黃門監魏知古本起小吏因姚崇引薦以至同爲相崇意輕之請知古攝吏部尚書知東都選事知古啣之崇二子分司東都恃其父有德於知古頗招權請託知古歸悉以聞它日明皇從容問崇卿子才性如何今

何官也。崇揣知上意。對曰。臣有三子。兩在東都。爲人多欲不謹。是必以事干魏。知古。臣未及聞耳。明皇始以崇必爲子隱。及聞崇奏喜。問卿安從知。對曰。知古微時。臣卵而翼之。臣子愚。以爲知古必德臣。容其爲非。故敢于耳。明皇於是以崇爲無私。而薄知古。負崇欲斥之。崇故請曰。臣子無狀。撓陛下法。陛下赦其罪。已幸矣。苟因臣逐知古。天下必以陛下爲

私於臣累聖政矣。明皇久乃許之。知古罷爲
工部尚書。

師蟻馬之智。慮切莫忽。略下人觀龍蛇之蟄。伸
何得欺他貧士。

人人賦性寧容一例。苛求事事憑天。未許預先
打算。

端天羅網。何勞妬彼高才。徧地貨泉。奚事忌他
富室。分付都繇造物。相形切莫煩心。

聞儔人行一善事。睡夢代渠喜歡。見同類作一
非爲。寢食替他憂惱。

或問生死。曰晝夜。或問今生來生。曰今日來日。
或問佛土。曰清淨慈悲。或問地獄。曰貪濁忿
怒。或問快樂。曰知足。或問尊榮。曰無求。或問
報應。曰形影。或問長久。曰如嘗。或問享福。曰
無禍。或問壽考。曰不朽。衡山石頭希遷大師。
有僧問如何是解脫。師曰誰縛汝。又問如何

是淨土師曰。誰垢汝。又問。如何。是涅槃師曰。誰將生死與汝。予愛禪家此語。亦設一問。如何。得心地清涼。當荅曰。誰令汝熱惱。又問。如何。得心地安淨。當荅曰。誰令汝煩動。

直道不乏心知。評鳳評鴉。儘聽橫日。槩多肉眼。呼牛呼馬。俱安。

人有偏才。相得交濟。昔寇至人竄。獨遺雙者。盲者待死耳。然瞽者指盲者。盲者負而走。兩人

皆免。乃知兩相爲用。則無偏廢之才。
縑繆太多。轉是道誼之薄。檢點愈密。益深憂詐
之憂。

王弘之。會稽上虞人。性好釣。每垂綸時。人問。漁
師得魚賣否。弘之曰。亦自不得。得亦不賣。日
夕載魚入上虞郭。經故舊門。各以一兩頭置
門內而去。

吳兢。祥符人。嘗與劉子玄。撰武后實錄。敘張昌

宗誘張說誣執魏元忠事及說爲相問競曰
劉生書魏公事不少假借奈何競曰子玄已
亾不可受冤地下競實書之聞者嘆其直
世局棋新不著最爲高手人心兵險無求安有
敵頭

我于人一切寬解成就諒合如此不足爲恩人
于我一切橫逆誹詆實無所傷未足爲怨非
思而望報祇息我之先施非怨而報人復生

彼之攻擊

裴度東都畱守。因闢豎擅威力。請罷治第。集賢里。日與白居易。劉禹錫。文酒相歡。不問戶外事。每使臣自洛來。上必問度安否。臨卒。謂門人曰。吾死無所繫。但午橋莊松雲嶺未成。軟碧池。繡魚尾未長。漢書未終篇。可爲恨耳。人處斯世。終日在戈矛中。若一披甲擁楯。以不肖之心待人。未有不中其傷者。一味清潔。休

原守以靜而待以誠。渾渾焉無所露。庶可免于患乎。

范涑爲南昌太守。先是府官自前撫歸見之後。庭謁拜俱遠在蓬外。風雨不問。涑欲復舊制。乃於新撫初上任時。各官俱聚門。將見涑。且進。且顧曰。諸君今日隨我行禮。進至堂下。竟入蓬內行禮。各官俱隨而前。舊制遂復。涑退至門外。與衆官作禮爲別。更不言及前事而

散

李孝基所治郡邑。雖甚劇。至午卽却掃。隱几庭
無人跡。有問其術者。曰。吾治無他。省事而已。
曹公時。中年入十時。作壽藏於親墓側。每日餐
罷。往坐片時。曰。此中無朝。無暮。無春。無秋。恍
似天地未判之初。我復於初。且得侍先人。無
不適矣。

揀好事做。遇不稱心事。便困頓。揀好人接遇。不

如意人便煩惱只此已在事物鑄錯中如何
能鑄錯事物故曰大冶不擇金良工不擇玉
人苟平心便覺有思無然徒知有我便覺思假
然真

張莊簡公悅與莊懿公參一時皆以尚書同居
東南城河外中隔數十武兩公元旦入城祝
釐則借出而往未待詔家拜節待詔者吾松
櫛工之稱也兩公與爲老隣肅章服拜之櫛

老則戴老人頭巾。接兩尚書具茶脩賓主。而出當時風俗之厚如此。

沈愷爲寧波守。有惠政。高曠明爽。詩文妙天下。其堂中有春帖云。身入兒童圖。艸社心如太古。結繩時。鳳老和易坦蕩。真有蘓長公眼中未嘗見。一不好人之意。遇兒童走卒。亦煦煦然。仁愛之。每蚤起。卽作詩寫字。稍暇則黏碎石爲盆池。小景。令人悠然有林壑之思。凡燕

席中有戲劇卽按拍節歌有不叶則隨句正之終日無一俗事在心終歲無一俗人到門壽登八十嘗如小兒蓋近代異人也

陸平泉九旬之外每遇佳風日卽乘兜子縱觀街市子孫扶掖家僮簇擁飄飄乎仙也隨觀者百千人一日坐門首有老者熟視請問老爺何道致此上壽公第云日食龍眼當有効老者曰貧人何能得此公親以一掬畀之

蔡公龍陽繇浙轄遷蜀時江陵嚴禁驛遞公微服率蒼頭持行李附蜀商歸舟舟中與商人送爲賓主了無城府及抵省守道官吏來迎者千人商驚怕叩頭請罪公曰今不用驛遞欲獨買一舟則太費說明又不便相與所以不言何必介意

邵康節先生云聞人之謗未嘗怒聞人之譽未嘗喜聞人言人之惡未嘗和聞人言人之善

則就而和之。又從而喜之。故其詩曰。樂見善人。樂聞善事。樂道善言。樂行善意。聞人之惡。如負芒刺。聞人之善。如佩蘭蕙。

王見峰云。跛者羨行。徒者羨乘。不跛不徒。復有所羨。人心何嘗有足時。會做受用人急事。化緩事。大事化小事。小事化無事。以電光泡影。視幻身。以浮雲秋水。視世態。盈虛消息。坎止流行。隨其所止。坦然自得。

知足歌云。人生儘受福。人自不知足。思量事累苦。閒著便是福。思量饑寒苦。飽煖就是福。思量病時苦。健著便是福。思量危難苦。平安便是福。思量監禁苦。放著便是福。思量死來苦。活著便是福。也不必高官厚祿。也不必堆金積玉。看來一日之間。許多自然之福。只因看不破。譬喻一譬喻。五行以分定。知機便是福。終日竟戚戚。惟是不知足。本是無事人。討得

機心曲本是溫飽人。弄得飲食服本是強健人。縱得病拘束本是平安人。幹得危險辱本是無罪人。惹得入牢獄本是長壽人。作得死催促世間能幾人。會享自然福。我勸世間人。不要不知足。富貴非力求。迷途空碌碌。

警世語云。風波境界立身難。處世規模要放寬。萬事盡從忙裏錯。此心須向靜時閒。路當平處行。便穩人有長情耐久看。直到始終無悔處。

客○總○生○枝○葉○便○多○端○吾○生○落○落○果○何○爲○世○事○
紛○紜○沒○了○期○少○算○人○皆○嘲○我○拙○多○求○我○却○笑○
人○痴○庭○花○密○密○疎○疎○葉○溪○柳○長○長○短○短○枝○萬○
事○欲○齊○齊○不○得○天○機○正○在○不○齊○時○

屏○之○張○也○直○則○不○可○立○必○也○回○而○曲○之○輪○之○轉○
也○方○則○不○可○行○必○也○揉○而○圓○之○處○世○亦○然○雖○
然○屏○必○有○幅○輪○必○有○軸○屏○雖○欲○曲○不○可○不○齊○
輪○雖○欲○圓○不○可○不○正○若○子○自○處○也○亦○然○

當樂境而不能享。畢竟薄福之人。當苦境而反覺甘。方是大受之器。

事勢已成。敗局就該撤下。留在胸中。越添鬱悶。事機未有頭緒。當聽自然。強去營爲。多遺悔恨。

聽不平事。徒惱胸臆。接不平人。徒減殮眠。此沒身涉世。不了之苦海也。吾安能以一身當之哉。不聽不接。自登彼岸。

柳離子曰石激水山激風法激姦吏激民言激
戎直激暴天下之紛紛生於激是故小人之
作亂也繇其操之急抑之甚而使之東西南
北無所容也

友誼之薄緣訂盟之濫而責報之奢夫濫于訂
盟既視之太輕奢于責報又視之太重兩情
冰炭并用之一人卽父子兄弟不能強其遂
願況泛泛者乎

事有急之。不自者。寬之。或自明。毋躁急。以速其
忿。人有操之。不從者。縱之。或自化。毋操切。以
益其頑。

能與善人居。不能與惡人處。畢竟是學力未到。
夫惡人如蛇蝎。猛獸戾氣所鍾。造物猶不能
絕第。當善待之。使不能爲害。而或介介疾視。
若旦夕不可容。多見其不廣也。

文清曰。或謂人有慢已者。何以處之。曰。使已有

可慢之事則彼得矣。已無可慢之事則彼失矣。失得在彼。已何與焉。

傷心之怨。莫如攘利。沒世之恨。無如發隱。發人隱私。人誰容我。奪人利益。人誰甘我。出爾反爾。戒之哉。

普濟人利物之澤。以積陰功。養優閒澹漠之業。以緩末路。

兔死狗烹。鳥盡弓藏。越王漢祖之事。後世往往

有之謀臣猛將以此終悔者多矣東魏邯山
之戰彭樂以數千騎入魏軍魏軍既敗高歡
使樂追宇文泰泰窘謂樂曰癡男子今日無
我明日豈有汝耶樂從言遂歸渦水之戰慕
容紹宗以騎五千夾擊侯景景衆大潰以數
騎自硖石濟淮使人謂紹宗曰景若就擒公
復何用紹宗乃縱之樂紹宗之不終臣事罪
則有在抑繇後世君臣之間有不足相信者

遂致如此。樂紹宗豈獨欲養寇自資而留患
自救之心。不能無也。高歡臨死。謂世子澄曰。
彭樂心腹難得。宜防護之。堪敵侯景者。唯慕
容紹宗。我故不貴之。留以遺汝。歡之疑樂。蓋
自其追黑獺時。已深噤。斷知紹宗之才。而故
不之貴。使澄私其恩。而爲澄用。然竟何益。高
氏父子。若積誠御物。物以誠應。彭樂自可腹
吾赤心。紹宗亦何必庸此形跡。預使激誘。吾

有機心于此苟非頑然者亦豈不知而肯一
一墮吾計中歡之所言徒斃樂耳紹宗非陳
元康素安其意其肯爲澄用耶

隨緣方便念念寬和事事利濟俯而從人曰循
易而可親曰良莫錯會了密如秋荼察見淵
魚非所以養平和之福

人世無一刻不是緣無一處不是緣無一人不
是緣爲世間人只好隨緣度日何必強生分

別抹破緣因。

海和平之福。只在隨緣。一生牽惹之勞。止因好事。

八有未可遽格者。與以入之事。有未可易處者。靜以制之。效有未可驟致者。安以待之。

余每言人觸事有三等。太上如張網任風東西吹聽其直過。都不攙惹。次如火炮。焮着卽發。發過卽休。最下如氣球。盛却一肚皮氣。緊拴。

却口不至爆裂終不消也噫亦苦矣。

唐玄宗于端午日賜丞相鍾乳宋璟命付醫人合鍊子弟曰上所賜當珍付其家必遭竊匿璟曰持誠示信尚懼見猜以猜示人其可得乎爾勿以此待人真長者之論。

應事接物須是以靜待動以閑處忙如水流而境自靜雲急而月自遲纔有無限光景。

人之性行雖有所短必有所長與人交游若常。

見其短而不見其長。則時刻不可同處。若常念其長。不顧其短。雖終身與之游可也。

人要有轉念。轉念蚤則愁煩中可覓瀟散境界。不然恐俗障沓來。祇徒憂而無益。人要有餘地。餘地留則馳驟中可存從容趣味。不然恐快心事過。或涉險而難收。

溫公嘗言劉器之平生只是一個誠字。更撲不破。居嘗杜門。屏跡不妄交游。人罕見其面。然

田夫野叟市井細民謂若過南京不見劉侍
制如過泗州不見大聖及公歿士庶女婦持
薰劑誦佛經而哭者日數千人後二年虜人
驅墳戶發棺見公顏如生驚曰必異人也蓋
棺而去公嘗自謂曰安世除諫官三日有大
除拜安世便入文字及得罪章惇必欲見殺
人言春循梅新與死爲隣高竇雷化說着也
怕八州要地安世遍歷七州然未嘗一日病

年幾八十。堅悍不衰。何以至此。曰。誠而已。

視天下事。皆如飄瓦虛舟。順逆偶然。葛藤盡掃。便令來去無心。視天下人。皆爲前因宿果。冤親平等。罣碍都捐。得了多少自在。

人生世上。那管得許多。那好得許多。那能使人說好。那能使人不說。吾不是。只要做事十分不差。心上無愧便了。

遇事只一味鎮定。從容縱紛若亂絲。終當就緒。

待人無半毫矯僞。欺隱雖狡如山鬼。亦自獻誠。

盧多遜與昉相善。昉待之不疑。多遜知政。多毀昉。人以告昉。昉不信之。後太宗語及多遜事。昉頗爲解釋。太宗曰。多遜毀卿一錢不直。昉始信之。太宗繇是目昉爲善人。

昔聞一長老云。人情有何難知。但從不好一邊求之。卽得矣。此衰世之言也。

心無機事。案有好書。飽食晏眠。時清體健。此是
上界真人。

庶所以懲貪。我果不貪。何必標一庶名。以來貪
夫之側目。讓所以息爭。我果不爭。又何必立
一讓的。以致暴客之變乎。

或薦梅詢可用。真宗曰。李沆嘗言其非君子。時
沆沒二十餘年矣。歐陽文忠嘗問蘓子容云。
宰相沒二十年。能使人主追信其言。以何道。

子容言獨以無心耳

黃魯直云。人生歲衣十疋。日飯兩盂。而終歲蕭然疲役。此何理也。男女婚嫁。緣渠儂墮地。自有衣食分。齊所謂誕寘之隘巷。牛羊腓字之。其不應凍餓溝壑者。天不能殺也。今蹙眉終日。正爲百草憂。春雨耳。青山白雲。江湖之湛然。可復有不足之歎邪。

孫和甫奉使虜中。過魏。請教于韓魏公。公曰。勿

以爲夷狄而鄙薄之甚善。

吾輩治家。于凡五穀菓茹之類。皆須自爲料理。至于下人偷竊。自不能免。但不至太甚。則可矣。慈湖先生曰。先君常步至蔬圃。謂園丁曰。吾蔬每爲人盜取。何計防之。園丁曰。須拚一分與盜者。乃可。先君因欣然。顧某曰。此園丁。吾師也。作家者。宜知此意。

韓魏公晚與永叔相知。而相親最深。永叔淙服。

公之德量嘗曰累百歐陽修何敢望韓公公
曰永叔相知無他琦以誠而已公知永叔不
以繫辭爲孔子書又多不以文中子爲可取
中書相會累年未嘗與之言及也

瓦礫在道過者皆弗見也覆之以紙人必拾之
矣十襲而積之人必盜之矣故藏之人思亡
之掩之人思檢之圍之人思窺之障之人思
望之惟光明者不令人疑故君子置其身于

光天化日之下

奇峰峻嶺止可偶一登之。國都皆寬平廣大者。
天下之亂庸庸者釀成之。皎皎者激成之。兩項。
大率相半。嗟乎庸庸者何足責。皎皎者又托
于君子而不可責。可若何。

一切順逆得喪毀譽愛憎。要知宇宙古今聖賢
凡民都有的。不必輒自驚異。

吾人身家之累。思前慮後。有許多未了勾當。此

須以不了了之。隨身有無。隨家豐儉。隨緣順應。一毫不起。非妄之想。分外之求。則身家之事。一時俱了。若只在身家事上討求。完全稱意。日出事生。終身更無了期。

處天下事。前面嘗長出一分。此之謂豫。後面嘗餘出一分。此之謂裕。如此則事無不濟。而心有餘樂。若扣殺分數。做去必有後悔。處人亦然。施在我有餘之恩。則可以廣德。畱在大不

盡之情。則可以全好。

待君子易。待小人難。待有才之小人。則又難待。
有。功。之。小。人。則。益。難。

求治不可太速。疾惡不可太嚴。革弊不可太盡。
用人不可太驟。聽言不可太輕。處已不可太
峻。

雲間陸學士。謂凡處人已之間。事之可否。以理
裁之。則可以。氣加之。則不可。如魏沈介以舟。

行遇風絕糧從姚彪貸百斛鹽以易粟姚命
覆鹽于江中曰明吾不惜惜所與耳晉王修
齡貧乏陶範以一船米遺之却曰王修齡雖
饑當就謝仁祖索食何須陶胡奴此皆以氣
加之者也

治小人寬平自在從容以處之事已則絕口不
言則小人無所聞以發其怒

昨非菴日纂三集願真卷之七

閩中昨非居士鄭瑄漢奉甫輯

人身視聽吸鼻言動思想俱屬陽火內中精髓
血脉則陰精也陽一動便能燥陰專恃陰精
克溢足供其揮運耳素問曰陰精所奉其人
壽陽精所降其人夭降者降伏之降陰不足
而受陽之制立見枯竭矣

水中所生之火冲融醞釀真陽也真陽生陰離

水獨制之火。燒灼焦熬。驕陽也。驕陽耗陰。人見美麗。及淫褻事。熾然舉一念。不獨陽道興。舉而四體盡覺焚如。稍久。卽火逼金鎔。關元已滲泄矣。若原無一念。而腎中真氣自生。薰然遍體。暢不可言。以意煉之。卽丹母也。

電轉雷驚。自歎浮生四十年。試思量往事。虛無似夢。悲歡萬狀。合散如烟。苦海無邊。愛河無底。流浪看成。五濁船。何入解向無。嘗火裡錢。

打身堅。須臾便是華顛。好收拾形骸歸自然。
又何須著意求田問舍。生須宦達。死欲名傳。
壽夭窮通。是非榮辱。此事絲來都在天。從今
去。任東南西北。作個飛仙。

葉石林住吳興山水幽絕處。終日聽泉弄石。讀
書談道。晚而有得。慨然曰。自無知求有知。易
自有知入無知。難。其見解卓矣。

白石生辟穀嘿坐。人問之不答。固問之。乃曰。世

間無一可食亦無一可言采雲膏霞液精神
自往來而已余以爲精神自往來卽雲膏霞
液也熟讀黃庭乃見此理

道書極貴口中津液謂之金醴玉漿無事靜坐
漱而自嚥不徒灌溉五藏亦能止滅心火不
使飛焰乃旣濟之理也然非淡素自茹緘嘿
自攝則焦吻塞喉正恐無唾可嚥耳

種荷萬柄蔭蕉半畝日夕起居其間能令覓夢

馨香肌膚翠綠每六月思迯暑不得軟兀兀
坐作此觀

心中須嘗令有一種恬適處絕精不憂山崩不
愕此是自身大受用却勉強不得亦對人說
不得

嗜欲之來薰心動魄如不可忍及所之既倦便
似嚼蠟故久宦思田困酒思眠也惟學道者
澹然相求久而不厭

陽明曰。今之訓養者。多是厚食濃味。劇酣謔浪。
或竟日偃臥。如此。是撓氣昏神。長惰而召疾
也。豈攝養精神之謂哉。務須絕飲酒。薄滋味。
則氣自清。寡思慮。屏嗜欲。則精自明。定心志。
少眠睡。則神自澄。君子未有不如此。而謂之
致力於學問者。

壁拈又曰。心從收處放身向靜中。忙故養性存
心。惟有戒慎恐懼。朝乾夕惕。乃能閒適逍遙。

慈湖有言。人生不可被一區宅子。幾畝田園。貯却自己。此于學人分上。直是淺淺事。鮮能克究。能不爲宅子田園所貯者。方能不爲宇宙牢籠。世情羈絆。無古無今。浩然天地。

予以不貪之故。獲舍利者三。不涉畏途。不履危機。一也。量入自足。身閒氣和。資養生之道。二也。習靜悟空。深知理性之法。三也。萬事貴得中。日過午則晏。月過盈則虧。物過盛則衰。器

過滿則溢○必然之理也○世人昇高位○積美財○不務得中○貪極致禍者多矣○宜自戒之也○

吾居靜境○可比華胥之境○吾爲逸民○可比葛天
之民○吾聞和聲○可比鈞天之聲○飲食節○紉無
求滋味○寢興順適○何須外婦○不改其樂○永錫
難老○勤與吉會○其如予何○

百骸導引貴乎動○久久必和柔○此道家之妙用
也○一心檢攝貴乎靜○久久必凝明○此禪家之

妙用也。非二妙用。吾何所歸。

心去腎八寸四分。天去地八萬四千里。人自子至巳。則腎生氣。自午至亥。則心生血。陽生子而地氣上升。至巳而亢陰生。午而天氣下降。至亥而極。人身肖天地也。

白香山自言。久宦蘓州。不置太湖一片石。人曰。如此累心事。香山不做。余深服此言。天下事累心者多矣。都丟下不做。可使心不受累。

陳搏唐僖宗封爲清虛處士。賜宮女三人。先生
作詩曰。雪爲肌體玉爲腮。深謝君王送到來。
處士不生巫峽夢。虛勞雲雨下陽臺。高僧巍
戒行嚴潔。嘗有一女寄宿。自稱天女。以上人
有德。天遣我來勸勉。巍曰。吾心若死灰。無以
革囊見試。

卞令鳳林寺。唐時禪師圓脩居此。棲息松上。白
樂天守杭嘗往參之。曰。太師居甚險。師曰。太

守險樂天曰弟子居處高堂何險之有師曰
心火相構識浪不停得非險乎樂天服之
邵康節先生詩曰閒居慎勿說無妨纔說無妨
便有妨爽口物多終作疾快心事過必爲殃
爭先徑路機關惡近後語言滋味長揣其病
後能服藥不若病前能自防

楊升菴書云年來萬慮灰冷惟文字結習未忘
頗以此自累而招罪不當與而與當與而不

與皆罪也。不工則不可出。工則疲精敝神。皆累也。用是勇念書壁云。老景病魔難親筆硯。神前餐願不作詩文。自今以始。朝粥一碗。夕燈一盞。作在家僧行。逕惟持。麗公空諸所有。四字庶餘年耄齒得活一日。是吾一日。不然擾擾應酬。何異於塵勞仕路哉。縱使藝文志書家傳人誦盡爲我製。何補真我哉。

人主壽者。漢武帝七十餘。梁武帝。宋高宗。八十

餘漢武嘗言服藥節食可少病梁武勅賀琛
曰朕不與女人同室寢亦三十餘年此致壽
之道不繫好仙佛也高宗之壽亦繇稟厚而
寡欲爾

立夏日兒童遶隣乞米拔籬筍寸斷之雜煮作
百家飯老幼分啖云食之可一夏無疾村民
亦競采艸木嫩莢揉粉製餅餌相饋遺時梅
已如彈朱櫻的皪可愛陰森中忽一風來作

百○和○香○不○辨○何○樹○戴○勝○黃○鸝○遠○近○伊○啞○不○衫○
不○履○徙○倚○林○塘○幽○絕○處○亦○歲○時○最○佳○候○也○若○
營○營○碌○碌○者○竟○成○錯○過○而○已○

凌○恒○達○不○樂○舉○業○人○計○籌○山○學○老○莊○道○既○通○玉○
守○誠○呂○仲○實○博○士○張○翥○危○素○數○從○問○衛○生○之○
要○術○應○曰○形○骸○者○氣○血○也○金○丹○者○艸○木○金○石○
也○血○氣○有○時○衰○耗○艸○木○金○石○其○能○延○駐○之○耶○
又○曰○虛○靜○恬○淡○寂○寞○無○爲○天○地○清○寧○萬○物○化○

育是之謂大藥上丹。衛生之要也。

東坡在惠時。佛印致書云。子瞻中大科。登金門。上玉堂。遠放寂寞之濱。權臣忌子瞻爲宰相耳。人生世間。如白駒之過隙。二三十年功名富貴。轉盼成空。何不一筆勾斷。尋取自家本來面目。萬劫嘗住。永無墮落。縱未得到如來地。亦可以駢駕鸞鶴。翔翔三島。爲不死人。何乃膠柱守株。待人惡趣。昔有問師佛法在其

麼處師云。在行住坐臥處。著衣喫飯處。屙屎撒溺處。沒理沒會處。死活不得處。子瞻胸中。有萬卷書。下筆無一點塵。到這地位。不知性命所在。一生聰明。要做甚麼。

貴人文高。獲第隱士。心薄功名。貴人歌朱雀。隱士盟白鷗。貴人擁天祿。著書隱士據虎皮。談易貴人侍玉皇。香案隱士禮緇佛。高齊貴人五色宮袍。隱士四時毳衲。貴人高車。隱士高

枕貴人千鍾五鼎隱士鷄黍肥豚較對雌雄
未易優劣也

已往事勿追思未來事勿迎想見在事勿畱念
隨覺而止習以爲嘗久久彌堅不煩多學

道士吳涵虛好睡終日人號之吳猓其言曰人
如要閒必先學懶若不懶定不得閒也

臥坐空霜根老樹偃仰空漏月疎林寢室曲倚
巖阿書案平張松下階除步步芳艸軒檻處

處名花語鳥一籠半睡半醒中著耳文魚彌
沿無情無緒憑欄掌帙理籤必須雪子賡
吟共釣悉是烟流怒則劒揮空曰丈夫適
志須富貴何時喜則短琴橫膝曰高山流水
定有知音但持僧偈何必作酸餽領頭雖頂
儒冠定不下冷猪註脚盟諸心矣寧費口詞
俗事有空急了者有宜姑置者了之所以安心
也置之亦所以安心也不了又不置終日縈

懷擾擾苦矣。究竟於事亦無益。

每旦日將出時。向明端坐。兩手交握。兩肘腕緊縮。尾閭令腎氣繇夾脊。上升至泥丸中。下貫兩目。旋轉數四。想目有金光。微啓眥。見日中金光。注射兩光。內外相合。仍入兩目。從上齶降下腹中。至氣穴而住。仍稍用意存之。如此不拘遍數。久之覺有紅日一規。嘗在胸懷間。此不死之道也。鸞珪云。人所以生者。得陽精。

耳日爲陽宗常存之安得死

內經曰膀胱者決瀆之官化物出焉其言肺又
曰通調水道下輸膀胱蓋人身所化之物唯
溺爲多以其爲濕蒸之氣醞釀而成若大腸
所出則物之渣滓耳非所化者若腎之精肝
之淚肺之涕心之汗則又各乘感而生非順
化所出者是以化物獨屬之膀胱之溺余嘗
深察之膀胱一職不獨化和氣爲物而溺

之亦化病氣爲物而溺出之凡病氣重則小便必澀病氣蘊則小便漸通人之一身能洩病氣無如膀胱者膀胱之水洩則脾土實脾土實則肺金清而心火降百骸自埋矣是故養生則以實脾爲樞治病則以疏膀胱爲樞食服嘗溫一體皆春心氣嘗順百病自遯

東坡居嶺外問長生訣於吳復古復古告之曰安日和安則寧一而精神不擾和則優柔而

情思不躁。卽老氏致虛守靜之旨也。

佳木有蔭。淺水有紋。坐涼風。臨清流。而意不在。吏道之惡也。

語云。道在屎溺。余察之。道真在屎溺也。東坡云。要長生。小便清。要長活。小便潔。要延年。清小便。麻衣和尚之師。乃山中一老僧。每十日半月。一解大便。其矢圓潔如彈丸。落地硌硌然。如磚石。此經真火久煉。若土之經。窖燒造爲。

磚坯耳。其人年三百餘歲，不疾而化。麻衣尚爲童子時也。

春去春來，朱顏容易改。花落花開，白頭空自哀。世事等浮埃，光陰如過客。休慕雲臺功，名安在哉。休訪蓬萊神仙安在哉。清閒兩字錢難買，何苦深拘礙。只恁過百年，便是超三界。此外別無閒計策。

世間唯財與色，能耗人精氣。速人死，亾而方士

之言曰。金銀可點化。以濟世。少女可採藥。以長生。既快嗜欲。又得超勝。何憚而不爲耶。予以理情揆之。恐無此大便宜事。不敢信也。

予遊褒禪山石岸下。見一僧以紙軸枕背。跣足而臥。予坐久之。乃驚覺。相向熟視。予曰。方聽萬壑松聲。冷然而夢。夢見歐陽公羽衣折角巾。杖藜逍遙潁水之上。予私揣曰。此道人識歐陽公。必不凡。乃問曰。師寄此山幾年矣。道

具何在。伴侶爲誰。僧笑曰。出家欲無累。公所
言。滾滾多事人也。曰。豈不置鉢耶。曰。食時寺
有碗。曰。豈不畜經卷耶。曰。藏中自備足。曰。豈
不備笠耶。曰。雨卽吾不行。曰。鞋履亦不用耶。
曰。昔有之。今弊棄之。跣足行。殊快人。予曰。然
則手中紙軸復何用。曰。此吾度牒也。亦欲睡
枕頭。予甚愛其風韻。恨不告我以名字。
坐多於行。默多於語。質多於文。恩多於威。讓多

於爭介多於泛。閉門多於出戶。歡喜多於怒。
嗔。如此嘗貪多。獲福自無量。

了屋吟云。半間屋六尺地。雖不莊嚴。却也精製。
蒲作團布作被。日間可坐。夜間可睡。燈一盞。
香一炷。石磬數聲。木魚幾擊。龕嘗關。門嘗閉。
好人放參。惡人迴避。髮不剃。肉不忌。道人心。
腸。儒家服制。上無師。下無弟。不傳衣鉢。不立。
文字。不參禪。不說偈。但無妄想。亦無妄意。不。

貪榮不圖利。無罣礙。無拘繫。了清淨。緣作解。
脫。計閒便來。忙便去。省閒非省閒。氣也非菴。
也非寺。在家出家。在世出世。卽此上乘。卽此。
三昧。日復日。歲復歲。過我這生。任我後裔。
道人謂予曰。爾能居室。如寄。使僕如假。起處。
如在塗。飲食如受乞。卽無病矣。

滿目經綸。且寄。花開葉落。當場。嘯傲。那知鳥去。
雲來。

墨子曰：非無安居也，無安心也；非無足財也，無足心也。世之人，衣不過被，體衣千金之裘，猶以爲不足；不知鶉衣縕袍者，固自若。食不過滿腹，羅萬錢之珍，猶以爲不足；不知簞食瓢飲者，固自樂。室不過蔽風雨，峻宇雕牆，猶以爲不足；不知繩樞瓦牖者，固自安。器不過適一用，玉杯象筋，猶以爲不足；不知污尊杯飲者，固自適。惟其不足，是以心之放僻，意之奔馳。

無所不至。以有限之年。濟無厭之欲。何時足耶。歲月易邁。狂迷不復。悲夫。

人倫要鑑云。人心不足蛇吞象。世事到頭螳捕蟬。無藥可延。卿相壽有錢難買。子孫賢家嘗守分。隨緣過。便是逍遙自在。儒。

陶梅林云。色身強者多病。酒量大者多醉。有所恃也。語云。善游者溺。善騎者墮。

孫真人云。怒甚偏傷氣。思多太損神。神疲心易

役氣弱病相縈。勿使悲歡極。當令酒食勻。再
三防夜醉。第一戒晨喚。故養生之道。必寡思
慮。以養神。寡嗜慾。以養精。寡言語。以養氣。

養生者。貴開發其生機。生機一發。則源源不窮。
此謂濬于不涸之府。生機有二。使此心嘗自
怡適。而不以憂鬱窒其生機。一也。助養脾土。
以滋化源。則四藏都有生氣。二也。若不知此
機括。雖日服補益良劑。所補曾幾何。

王聖俞會心言有云伐天和以成就世事辟瘴
割肉飾俎刺血染裳然究竟成就亦歸虛幻
徒自伐其天和而已語有之寧可疎慵乖物
議莫將性命當人情此二言可書座右

坐水邊林下塵世可忘步芳徑閒庭情懷自逸
鳥啼花落且開病裏幽襟酒冽茶香共享閒
中清福

深山窮谷之人多高年者嗜欲少故也

李諧字虔和清豐人風流文辯歷中書侍郎因
瘳而舉願因跛而緩步因蹇而徐言人稱其
善用三短

馬遠公云天地偏以巖壑雲樹娛天下之幽人
逸士非富貴人所可染指散吏逐臣猶可竊
取一二吾輩未肯爲幽人但一日游覽亦一

日清福余當年雖在都下風塵中日與西山
一段秀異之氣脉脉還往無論清游香碧諸

山別有趣味。卽燕市園林中。多有高樹。坐挹
深綠。便覺不同。一日同澹真兄。坐一小園。下
花燈燭。如雪。炤人。酌小樓上。望西山翠尖。欲
滴。因謂澹真曰。金門亦有滄洲耶。

殷仲文勸宋武帝畜妓。帝曰。我不解聲。仲文曰。
但畜自解。帝曰。畏解。故不畜。

士大夫于世法中。惟廉取薄享。可迂續壽之源。
何從更慕長生。

軒轅集隱居羅浮山年百餘歲宣宗召問之對
曰微聲色薄滋味哀樂不過德刑無偏堯舜
禹湯皆登上壽者用此道也善飲酒百升不
醉夜則垂髮盤中酒漉漉而出

人不極思不知吾生之可哀人不極思不知吾
生之可樂知哀吾生者可與破塵情矣知樂
吾生者可與破聖諦矣

常參大乘楞嚴十卷可以留心閒坐小窓義易

一編休教去手

攝心須攝目。陰符經曰。機在目三字。丹法之要也。

却病十法云。靜坐觀空。覺四大原從假合。一也。煩惱現前。以死譬之。二也。常將不如我者。強自寬解。三也。造物勞我。以生遇病。稍開反生。慶幸。四也。宿業現逢。不可逃避。歡喜領受。五也。家室和睦。無交謫之言。六也。衆生各有病。

根常自觀察克治七也。風露謹防。皆慾。瞻泊八也。飲食寧節。毋多。起居務適。毋強。九也。見高明親友。講開懷出世之談。十也。

讀書家。解得尋仲尼顏子樂處。卽無事向長桑家。商衛生却疾之方。亦無事向神仙家。問長生久視之訣。

心苟無事。則息自調。念苟無欲。則中自守。清閑之人。不可惰其四肢。又須以閒人做閑事。

臨古人帖。溫昔年書。拂几微塵。洗硯宿墨。灌
園中花。掃林中葉。覺體少倦。放身匡牀上。暫
息半晌可也。

餓乃加餐。菜食美于珍味。倦然後睡。草薦勝似
重裯。

斗室中。萬慮都捐。說甚畫棟飛雲。珠簾捲雨。三
杯後。一真自得。惟知素琴橫月。短笛吟風。
初學打坐法。須厚鋪軟座。寬衣解帶。結跏趺坐。

或半跏趺坐。令腰脊頭項骨節相拄。耳與肩對。鼻與臍對。舌抵上腭。唇齒相著。目須微開。不可全閉。若全閉。恐易昏睡。身須平直。狀類浮圖。坐要安舒。任其自然。息從鼻通。不可能不可促。不可閉。不可抑。出入往來。務要綿綿不斷。亦不可著意爲之。一切善惡。都莫思量。念之。卽覺覺之。卽無。久久忘緣。自成一片。出定之時。徐徐動身。安詳而起。若得此意。自然

四大輕爽。所謂安樂法也。

何地非真境。何物非真機。芳園丰畝。便是舊金
谷。流水一灣。便是小桃源。林中野鳥。巖聲便
是一部清鼓。吹溪上閒雲。幾片便是一幅真

畫圖。

閒中覓伴書。爲上身外無求。睡最安。

從五更枕席上。叅勘心體。氣未動。情未萌。纔見
本來面目。向三時飲食中。緒練世味。濃不欣。

淡不厭方爲切實工夫。

神農經上藥養命中藥養性誠謂性命之理因輔養以通也。而世人不察惟五穀是先聲色是耽目惑玄黃耳驚淫哇滋味煎其臟腑醴醪煮其腸胃馨香腐其骨髓喜怒悖其正氣思慮消其精神哀樂殃其平粹夫以蕞爾之軀攻之者非一途易竭之身而內外受敵身非水石何能久乎。

庭前幽花時發披覽既倦每啜茗對之香色撩
人吟思忽起隨歌一古詩以適清興

胸中只擺脫一戀字便十分爽淨十分自在人
生最苦處只是此心沾泥帶水明是知得不
能割斷耳

晦菴先生曰中年以後爲學且須愛惜精神恐
忽有大事來無以應之陽明方討寧藩謂二
司曰某向在長安馬上時目光不敢過馬首

今羽檄交馳不交睫者七晝夜矣而形神如舊幸有平日之養耳抽繹二公之言吾輩蕩心暴氣之事安得不猛自省改

人生太閒則別念竊生太忙則真性不見故士君子不可不抱虛生之憂亦不可不知有生之樂

金柱手摩日細石欄綆鋸痕深喜事多言好怒那知暗損精神

吾見嗜酒者。晡而登席。夜則號呼。旦而病。酒其
言動如嘗者。午未二晷耳。以晝夜而僅二晷。
如人則壽至百年。僅敵人二十也。而舉世好
之不已。亦獨何哉。

是非場裡。出入逍遙。順逆境中。縱橫自在。竹密
何妨。水過山高。不碍雲飛。

真西山跋蓮花經曰。余少時讀普門品。觀世音
經。雖未能深解其義。然以意測之曰。此佛氏

之寓言也。昔唐李文公問藥山禪師曰：如何是惡風吹船，飄落鬼國？師曰：李翱小子，問此何爲？文公勃然怒形于色。師笑曰：發此嗔恚心，便是黑風吹船，漂入鬼國也。吁！藥師可謂善啓發人矣。以是推之，則知利欲是火坑，貪愛是苦海。一念清淨，烈焰成池；一念警覺，船到彼岸。災患纏縛，隨寓而安；我無怖畏，如械自脫。惡人侵凌，待以橫逆；我無忿嫉，如獸自

奔讀是經者作如是觀則知普陀大士真實
爲人非浪言者

竈。屏。不。驚。肝。木。自。寧。動。靜。以。敬。心。火。自。定。飲。食。
有。節。脾。土。不。泄。調。息。寡。言。肺。金。自。全。恬。然。無。
欲。腎。水。自。足。毋。以。妄。想。戕。真。心。毋。以。客。氣。傷。
元。氣。

徐昌穀構別墅實邑之北邨前後塚累累或顰
蹙曰目中每見此輩定不樂徐笑曰不然目

中日見此輩乃使人不敢不樂

東坡云吾儕漸衰不可復作少年調度當速用
道書方士之言厚自養鍊謫居無事頗窺其
一二已借得本州大慶觀道堂三間冬至後
當入此室四十九日乃出自非廢放安得就
此太虛他日一爲仕宦所縻欲求四十九日
閑豈可復得耶

不忍禍從外至不遣病從內出

凡遇不得意事試取其變甚者譬之心坎自然
涼爽此降火最速之劑

人未交感精涵于血中未有形狀交感之後慾
火動極而周身流行之血至命門而變爲精
以泄焉故以人所泄之精貯于器拌少鹽酒
露一宿則復爲血矣左有腎屬水右有命門
屬火一水一大一龜一蛇互相橐籥膀胱爲
左腎之腑三焦有脂膜如掌大正與膀胱相

對有○二○白○脉○自○中○而○出○夾○脊○而○上○貫○于○腦○上○
焦○在○膻○中○內○應○心○中○焦○在○中○澆○內○應○脾○下○焦○
在○臍○下○卽○腎○間○動○氣○入○身○之○血○散○于○三○焦○晝○
夜○流○行○各○有○嘗○度○百○骸○之○內○一○毛○之○小○無○弗○
一○貫○徹○及○慾○事○旣○作○命○門○火○動○翕○撮○三○焦○一○身○
之○血○至○命○門○化○爲○精○而○輸○將○以○去○人○之○血○盛○
則○周○身○流○溢○生○子○必○肖○其○父○血○微○則○形○骸○有○
不○貫○之○處○生○子○不○能○相○肖○血○枯○則○不○能○育○矣○

主閉藏者腎也。司疎泄者肝也。二藏皆有相火。而其采上屬于心。心君火也。怒則傷肝而相火動。動則疎泄者用事。而閉藏不得其職。雖不合亦暗流而潛耗矣。是故欲保元精。當知息怒。寢臥不得多言笑。譬五臟如鍾磬。不懸則不可發聲。

老人之食大抵宜溫熱熟軟。忌粘硬生冷。其應

進飲食不可頓飽。但頻頻與食。使脾胃易化。穀氣嘗存。若頓令飽食。則多傷胃。老人腸胃虛薄。不能消運。故易成疾。然尤大忌雜食。雜則五味相撓。更易生患。

夏月尤宜保輔。當居虛堂靜室。水次木陰。潔淨之處。自有清涼。不可當風納涼。飲食勿令太飽。尤戒生冷粗硬油膩。及勉強飲食。渴飲粟米湯。荳蔻熱水爲妙。冬月最宜密室溫淨。衾

服輕軟仍要緩。果肚腹早眠。晚起以避霜威。
朝宜少飲醇酒。然後進粥。臨臥服涼膈。化痰
之劑。其炙。燻。燥。毒之物。尤切戒之。

白居易暮節惑浮屠。至經月斷葷。及致仕與香
山僧如滿。結香火社。士大夫晚年。少參禪理。
斷葷則腸胃清虛。亦可却病。與僧結社。則塵
緣減息。并可避器。所謂心持半偈。萬緣空者。
非耶。

晉人以酒爲醉鄉以閨房爲軟溫鄉以任官爲
帝鄉謂之鄉者言處之易而去之難耳然麴
蘖腐腸粉黛伐性孤憤而見被文繡辭隱而
取譏北山其謂之何唯如彭澤之賦歸來宋
玉之賦襄王康節之詠微醺涉而不存庶無
害于情之正乎

無牽纏者卽爲解脫除熱腦者便獲清涼雖木
成靜定之功而且得逍遙之趣

病者所繇適于死之路也。欲者所繇適于病之路也。邇聲色者。所繇適于欲之路也。塞此三路。可以延生。